

Broj:AE-281/17
Datum: 06.03.2017.

J.P. "DEPONIJA" d.o.o. Mostar	
Datum	30.03.2017
Broj	349/17-00

Ured za razmatranje žalbi Bosne i Hercegovine
Maršala Tita 11a
71 000 Sarajevo
+387 33 207 682
+387 33 259 266
urz@bih.net.ba

PREDMET: ŽALBA NA ODLUKU O IZBORU NAJPOVOLJNIJEG PONUĐAČA BROJ: 186/17-DP, OD DANA 14.02.2017. GODINE I NA ZAKLJUČAK UGOVORNOG ORGANA BROJ: 224/17-DP OD DANA 24.02.2017.- DOSTAVLJA SE

Poštovani,

Dana 14.02.2017. godine dostavljena nam je Odluka broj: 186/17 – DP o izboru najpovoljnijeg ponuđača u postupku javne nabavke broj: 553-7-2-2-3-1/17, od dana 12.01.2017. godine – „Izrada glavnog projekta i pratećih dokumenata za proširenje regionalne sanitarne deponije čvrstog otpada Uborak-Buđevci u Mostaru“, (u daljem tekstu: „Odluka“). U kojoj je navedeno da se Ugovor dodjeljuje ponuđaču IPSA Institut d.o.o. Sarajevo.

Dana 15.02.2017. godine, dostavljamo zahtjev za uvid u ponudu Ugovornom organu, jer izražavamo sumnju u ponudu ponuđača IPSA INSTITUT d.o.o. Sarajevo. Ugovorni organ „JP Deponija d.o.o. Mostar“ obezbijedio je uvid u ponude dana 17.02.2017. godine, u terminu od 10 do 12h.

Dana, 17.02.2017. godine uvidom u dostavljenu ponudu, ustanovili smo da ponuđač IPSA Institut d.o.o. Sarajevo ne ispunjava uslove propisane tačkom 4. Tenderske dokumentacije „**Tehnička i profesionalna sposobnost - u smislu člana 49. Zakona: 4.1.Definisani uslovi vezano za tehničku i profesionalnu sposobnost ponuđača, pod a) koji glasi:**

“a) Uspješno iskustvo u realizaciji:

Spisak izvršenih Ugovora čiji je zbir vrijednosti jednak ili veći od procijenjene vrijednosti nabavke, a tiču se direktno nabavke i izrade usluga u skladu sa predmetom nabavke ili poslova koji su po karakteru i kompleksnosti slični uslugama predmetne javne nabavke (1 glavni projekat deponije komunalnog otpada, 1 idejni projekat deponije komunalnog otpada) u prethodne 3 godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine.”

IPSA Institut d.o.o. Sarajevo, u svrhu ispunjavanja navedenog uslova priložila je potvrdu o izradi Projekta: „**Izmjene, dopune revizije glavnog projekta odlagališta čvrstog otpada Uborak Mostar**“, sa peridom realizacije od 5 mjeseci od dana 22.05.2014. godine, koja uopće ne odgovara traženim uslovima tenderske dokumentacije, obzirom da izrada glavnog projekata ni u kojem slučaju nije isto što i revizija glavnog projekta.

Napominjemo da: Izrada glavnog projekta podrazumijeva skup međusobno usklađenih projekata kojima se daje tehničko rješenje građevine i dokazuje ispunjavanje bitnih zahtjeva za građevinu, dok revizija Glavnog projekta predstavlja kontrolu, provjeru tehničke dokumentacije glavnog projekta a sve to u skladu sa Zakonom o prostornom planiranju i korištenju zemljišta na nivou Federacije Bosne i Hercegovine (“Službene novine Federacije BiH”, br. 2/06, 72/07, 32/08, 4/10, 13/10 i 45/10) i Uredbom o vrsti, sadržaju, označavanju i čuvanju, kontroli i nostrifikaciji investiciono-tehničke dokumentacije (“Službene novine Federacije BiH”, br. 33/10 i 99/14).

Uvidom u dokument koji se nalazi na zvaničnoj stranici Federalnog ministarstva okoliša i turizma „Izveštaj o napretku EC IPA Grant „**Drugi projekat upravljanja čvrstim otpadom: Mostar i Banja Luka**“ Dio 1. Izgradnja

SARAJ INŽENJERING d.o.o. SARAJEVO Zmaja od Bosne 7-7a, Tel.: ++38733 223 729 Fax.: ++38733 592 450 E-mail: info@sarajinzenjering.ba
 reciklažnog postrojenja u Mostaru, EC GRANT BROJ TF011456, Januara 2013, ustanovili smo da je Ugovor za Projekat: *Izmjene, dopune revizije glavnog projekta odlagališta čvrstog otpada Ubork Mostar, potpisan 30. septembra 2012. godine, a ne 22.05.2014. godine* kako je navedeno u priloženoj Potvrdi od strane IPISA instituta d.o.o. Sarajevo.

U navedenom dokumentu, na strani 9. stoji: „ 21. maja 2012. JP "DEPONIJA" d.o.o. Mostar je ušla u ugovore koje financira IDA, za amandman, Dopuna i revizija glavnog projekta odlagališta otpada "UBORAK" - Mostar BA-SSWMP-4540-CQ-012-S-10/MO sa firmom IPISA Institut doo Sarajevo koja je trebala napraviti reviziju ranije napravljenog projekt reciklažne hale iz godine 2010. od strane tvrtke GD "Arhitekt" Mostar.....", odnosno: „Zbog prednost montažne čelične konstrukcije u odnosu na armirano-betonsku, zbog niza tehnoloških i sigurnosnih faktora, opcije rastavljanja i preseljenja i nižih troškova održavanja, IPISA Institut doo Sarajevo je izmijenila dijelove glavnog projekta koji se odnosi na reciklažnu halu. Dopunjeni projekat je završena po ugovoru (Aneks 1) 30. septembra 2012. godine. Dopunjenim projektom došlo je do izmjena pojedinih stavki koji su zahvatili nedostajće radove iz djela prvog projekta" (kompletan izvještaj u prilogu ove Žalbe).

Mišljenja smo da navedena potvrda nije u skladu sa članom 49. stav a) ZJNBiH, te da IPISA Institut d.o.o. Sarajevo ni u kojem slučaju ne ispunjava minimalne kvalifikacijske uslove koji su propisani Tenderskom dokumentacijom.

Lider konzorcija Saraj inženjering d.o.o. dana 23.02.2017. godine dostavlja Žalbu broj EA-257/17 pozivajući i u skladu sa na član 99. stav 1 i član 101. stav 1. pod d) koji glasi

„Najkasnije 10 dana po prijemu odluke kojom se odlučuje o pojedinačnom pravu iz javne nabavke u odnosu na postupak pregleda i ocjene sposobnosti, te postupak pregleda, ocjene i izbora najpovoljnijeg ponuđača" Zakona o javnim nabavkama Bosne i Hercegovine (u daljem tekstu: „ZJN BiH"), Konzorcij ponuđača Saraj Inženjering d.o.o. Sarajevo, ENOVA d.o.o. Sarajevo, TZI-Inženjering d.o.o. Sarajevo, Winner Project d.o.o. Sarajevo, Navitas Engineering i Automation d.o.o. (u daljem tekstu: „Konzorcij ponuđača"), zastupanog po Sarajinženjeringu d.o.o. Sarajevo, blagovremeno dostavlja Žalbu na Odluku, sa zahtjevom da Ugovorni organ istu stavi van snage i donese novu Odluku kojom će ugovor dodijeliti Konzorciju ponuđača kao jedinom ponuđaču sa tehnički ispravnom i prihvatljivom ponudom"; dana 23.02.2017. godine dostavlja Žalbu ugovornom organu.

Napominjemo da je Konzorcij ponuđača dostavio Ponudu broj: AE - 157/17, dana 27.01.2017. godine, na osnovu tendera u postupku javne nabavke usluga broj: 553-7-2-2-3-1/17, od dana 12.01.2017. godine.

U obrazloženju Odluke Ugovorni organ naveo je da su zaprimljene dvije ponude i to ponuda ponuđača IPISA Institut d.o.o. Sarajevo i ponuda Konzorcija ponuđača: Saraj Inženjering d.o.o. Sarajevo, ENOVA d.o.o. Sarajevo, TZI-Inženjering d.o.o. Sarajevo, Winner Project d.o.o. Sarajevo, Navitas Engineering i Automation d.o.o. Sarajevo.

Ujedno u obrazloženju Odluke se navodi se: *„Komisija je izvršila provjeru dostavljenih dokumenata i njihovu korektnost i ispunjenost sa aspekta kvalifikacije ponuđača prema TD. Nakon provjere konstatirano je da oba ponuđača zadovoljavaju kvalifikacione uslove, te da su im ponude tehnički prihvatljive, a predloženo je da se ugovor dodijeli ponuđaču IPISA Institut d.o.o. Sarajevo, koji je ponudio najnižu cijenu prihvatljive ponude. U postupku donošenja ove Odluke, ocijenjene su činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, u skladu sa zahtjevima i kriterij ima iz tenderske dokumentacije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, uzimajući u obzir kriterij najniža cijena neosporno je da je izabrani ponuđač najbolje ocijenjen."*

Dana 02.03.2017. godine Saraj Inženjering d.o.o. Sarajevo (lider konzorcija) je zaprimio Zaključak broj: 224/17-DP ugovorni organ JP Deponija d.o.o. Mostar dostavio putem pošte, u kojem se navodi da se žalba grupe ponuđača Saraj inženjering d.o.o. i ostali odbacuje kao neblagovremena i pored svih navedenih i dostavljenih dokaza o neispunjavanju tehničkih uslova ponuđača IPISA INSTITUT d.o.o. Sarajevo .

U skladu sa prethodno navedenim, žalimo se na Zaključak broj: 224/17-DP, od dana 24.02.2017.godine, te na Odluku broj: 186/17 – DP od dana 14.02.2017; te tražimo od Ureda za razmatranje žalbi da žalbu u cijelosti usvoji, i da u skladu sa članom 100. stav 3. ZJNBiH donese Rješenje, kojim će staviti van snage Odluku broj: 186/17 – DP i donese novu odluku kojom će ugovor dodijeliti Konzorciju ponuđača kao jedinom

SARAJ INŽENJERING d.o.o. SARAJEVO Zmaja od Bosne 7-7a, Tel.: ++38733 223 729 Fax.: ++38733 592 450 E-mail: info@sarajinzenjering.ba
ponuđaču sa tehnički ispravnom i prihvatljivom ponudom, a u skladu sa članom 89. stav 3. ZJNBH, koji glasi: „Kada ugovorni organ primi jednu prihvatljivu ponudu, dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke. Također, prema svemu gore navedenom smatramo da Ured za razmatranje žalbi treba donijeti Rješenje o odbacivanju Zaključka Ugovornog organa na Žalbu konzorcija i istu ustanoviti kao potpunu i blagovremenu.

U prilogu dostavljamo:

- Odluku o izboru najpovoljnijeg ponuđača, Obavještenje o rezultatima, Zapisnik o pregledu i ocjeni
- Zahtjev za uvid u ponudu
- Odgovor ugovornog organa u vezi uvida u ponudu
- Žalbu na Odluku ugovornog organa o izboru najpovoljnijeg ponuđača
- Žaljukčak ugovornog organa na žalbu
- „Izveštaj o napretku EC IPA Grant "Drugi projekat upravljanja čvrstim otpadom: Mostar i Banja Luka" Dio 1. Izgradnja reciklažnog postrojenja u Mostaru" koji je preuzet sa zvanične web stranice (www.fmoit.gov.ba) Federalnog ministarstva okoliša i turizma.

S poštovanjem,

DIREKTOR
Mustafa Musabegović, dipl.ing.maš.

